

Izvještaj o radu Uprave policije MUP-a Kantona Sarajevo za period januar - septembar 2017.godine

I

KRIMINALITET

Kriminalitet na području Kantona Sarajevo u periodu januar – septembar 2017. godine u odnosu na isti period prethodne godine, posmatrano kroz statističke pokazatelje, karakteriše smanjenje broja, registrovanih krivičnih djela za 11,9%, prijavljenih lica za 1,7% maloljetnih izvršilaca za 34,4%, povratnika u činjenju krivičnih djela za 1,1% dok je povećan broj lica lišenih slobode za 8,5%. U odnosu na uporedni period, povećana je ukupna rasvijetljenost krivičnih djela za 3,2%.

STATISTIČKI PRIKAZ KRIMINALITETA

U prvih devet mjeseci 2017. godine, registrovana su 3.074 krivična djela¹, što je za 415 djela ili 11,9% manje nego u istom periodu prethodne godine.

U 1.309 slučaja (42,6% od ukupnog broja krivičnih djela), krivična djela su izvršena od strane poznatih izvršilaca i izvršilaca zatečenih u činjenju krivičnog djela, a 1.765 krivičnih djela (ili 57,4%), prijavljeno je po nepoznatom izvršiocu, od kojih su 773 naknadno rasvijetljena (ili 43,8%).

Tokom izvještajnog perioda ukupno su rasvijetljena 2.082 krivična djela ili 67,7% što je za 3,2% veća rasvijetljenost u odnosu na uporedni period.

Za izvršenje navedenih djela prijavljeno je 1.749 lica, od kojih je 1.061 povratnik u činjenju krivičnih djela (ili 60,7% prijavljenih), 40 maloljetnika, 778 lica je lišeno slobode (ili 44,5% prijavljenih). U odnosu na uporedni period manji je broj: prijavljenih lica za 31 (ili 1,7%), povratnika za 12 (ili 1,1%), broj maloljetnih izvršilaca za 21 (ili 34,4%), dok je povećan broj lica lišenih slobode za 61 (ili 8,5%).

OSNOVNI STATISTIČKI POKAZATELJI KRIMINALITETA U PERIODU JANUAR- SEPTEMBAR 2017.GODINE

PERIOD	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
JANUAR - SEPTEMBAR 2017.	3.074	1.309	1.765	773	399	1.749	40	1.061	778
JANUAR - SEPTEMBAR 2016. GODINE	3.489	1.334	2.155	916	390	1.780	61	1.073	717
<i>uporedba</i>	<i>-415</i>	<i>-25</i>	<i>-390</i>	<i>-143</i>	<i>9</i>	<i>-31</i>	<i>-21</i>	<i>-12</i>	<i>61</i>
	<i>-11,9%</i>	<i>-1,9%</i>	<i>-18,1%</i>	<i>-15,6%</i>	<i>2,3%</i>	<i>-1,7%</i>	<i>-34,4%</i>	<i>-1,1%</i>	<i>8,5%</i>

UPOREDNI POKAZATELJI STANJA KRIMINALITETA NA PODRUČJU KANTONA SARAJEVO
U PERIODU JANUAR – SEPTEMBAR 2017./2016. GODINE PREMA GLAVAMA KRIVIČNOG ZAKONA FBIH-a I BIH-a

KRIVIČNA DJELA	JANUAR- SEPT. 2017.	JANUAR- SEPT. 2016.	uporedba br.KD		“rasvijetljenost” JANUAR-SEPT. 2017.	
			+ / -	%	br.KD	%
Protiv ustavnog poretka Federacije	1	0	1	---	1	100%
Protiv života i tijela	117	112	5	4,5%	113	96,6%
Protiv slobode i prava čovjeka i građanina	147	133	14	10,5%	137	93,2%
Protiv spolne slobode i morala	6	5	1	20%	6	100%
Protiv braka, porodice i mladeži	179	171	8	4,7%	179	100%
Protiv zdravlja ljudi	332	232	100	43,1%	332	100%
Protiv privrede, poslovanja i sigurnosti pla.	3	18	-15	-83,3%	3	100%
Iz oblasti poreza	1	1	0	isto	1	100%
Protiv imovine	1.941	2.376	-435	-18,3%	991	51,1%
Protiv okoliša	4	6	-2	-33,3%	3	75%
Protiv opće sigurnosti ljudi i imovine	54	74	-20	-27%	34	63,0%
Protiv sigurnosti javnog prometa	55	71	-16	-22,5%	53	96,4%
Protiv pravosuđa	17	28	-11	-39,3%	17	100%
Protiv javnog reda i pravnog prometa	135	186	-51	-27,4%	129	95,6%
Protiv podmić. i kd protiv sl. i druge odgo..	16	16	0	isto	16	100%
Protiv sistema elektronske obrade podataka	1	0	1	---	1	100%
Protiv privrede i jedin. tržišta te...(KZBiH)	5	1	4	400%	5	100%
Dogovor, pripr.,udruž. i org.krim.(KZ BiH)	0	1	-1	---	1	---
ZONDINOM-a (Sl.novine KS br.38/07)	60	58	2	3,4%	60	100%
UKUPNO	3.074	3.489	-415	-11,9%	2.082	67,7%

U izvještajnom periodu, zabilježeno je značajno smanjenje broja registrovanih krivičnih djela i to za 415 ili 11,9%.

Najznačajnije **smanjenje** zabilježeno je u oblasti protiv:

- imovine (za 435 djela),
- javnog reda i pravnog prometa (za 51-no),
- opće sigurnosti ljudi i imovine (za 20),
- sigurnosti javnog prometa (za 16),
- privrede, poslovanja i sigurnosti platnog prometa (za 15),
- pravosuđa (za 11), itd.

dok je **povećanje** evidentirano u oblastima protiv:

- zdravlja ljudi (za 100 djela),
- slobode i prava čovjeka i građanina (za 14),
- braka, porodice i mladeži (za osam),
- života i tijela (za pet), itd.

PREGLED KRIVIČNIH DJELA PO OBLASTIMA

1.2.1. KRIVIČNA DJELA PROTIV ŽIVOTA I TIJELA

U periodu januar - septembar 2017. godine prijavljeno je 117 krivičnih djela protiv života i tijela (pet više u odnosu na uporedni period).

Zbog postojanja osnova sumnje da su počinili djela iz ove oblasti podneseni su službeni izvještaji protiv 131-nog lica, od kojih je 71 povratnik (ili 54,2%), a 50 je lišeno slobode.

Evidentirana su slijedeća krivična djela: - ubistvo iz člana 166. KZFBiH-a – pet djela (tri više), ubistvo u pokušaju – tri (osam manje), ubistvo u pomaganju - jedno djelo (nije bilo ovih djela), teška tjelesna ozljeda – 59 (šest više), lahka tjelesna ozljeda – 47 (devet više) i učestvovanja u tuči – dva djela (jedno manje).

KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 147 djela (14 više) i to: - ugrožavanje sigurnosti – 145, protupravno lišenje slobode i protupravno lišenje slobode u pokušaju - po jedno djelo, a zbog izvršenja navedenih djela prijavljeno je 135 lica od kojih su 64 povratnika u činjenju krivičnih djela (ili 47,4%), a 23 su lišena slobode.

Sva djela ugrožavanja sigurnosti počinjena su upućivanjem verbalnih prijetnji, pisanih - prijetećih poruka i sl., bez težih posljedica po oštećena lica.

KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirano je šest djela (jedno više) i to: silovanje i bludne radnje - po tri djela.

Zbog postojanja osnova sumnje da su počinili djela iz ove oblasti podneseni su službeni izvještaji protiv pet lica, koja su lišena slobode.

KRIVIČNA DJELA PROTIV BRAKA, PORODICE I ML0ADEŽI

U ovoj oblasti registrovano je 179 krivičnih djela (osam više) i to: nasilje u porodici - 177 djela i zapuštanje ili zlostavljanje djeteta ili maloljetnika i izbjegavanje izdržavanja - po jedno djelo. Službeni izvještaji podneseni su protiv 179 lica od kojih je 108 povratnika ili 60,3%, a 105 je lišeno slobode.

KRIVIČNA DJELA PROTIV ZDRAVLJA LJUDI

U oblasti krivičnih djela protiv zdravlja ljudi, podneseni su službeni izvještaji protiv 350 lica (103 više), od kojih je 217 povratnika (ili 62%), a zbog postojanja osnova sumnje da su počinili 332 krivična djela (100 više) i to:

- neovlašćena proizvodnja i stavljanje u promet opojnih droga – 33 djela (14 više)
- posjedovanje i omogućavanje uživanja opojnih droga – 298 djela (86 više),
- nesavjesno liječenje - jedno djelo (nije bilo ovih djela u uporednom periodu).

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv ukupno 59 lica zbog postojanja osnova sumnje da su u proteklom periodu neovlašteno proizvodili, zatim kupovali opojnu drogu ("Marihuanu", "Amfetamin", itd.) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo **iz člana 238. KZ FBiH-a (Neovlašćena proizvodnja i stavljanje u promet opojnih droga)**, te protiv 290 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Amfetamin", "Ecstasy", "Heroin", itd.) čime bi počinili krivično djelo **iz člana 239. KZ FBiH-a (Posjedovanje i omogućavanje uživanja opojnih droga)**.

Zbog zloupotrebe opojnih droga 211 lica je lišeno slobode (70 više).

TABELARNI PREGLED ODUZETE OPOJNE DROGE U PERIODU JANUAR - SEPTEMBAR 2017/16. GODINE

VRSTA OPOJNE DROGE	JANUAR-SEPTEMBAR 2017. GODINE	JANUAR-SEPTEMBAR 2016. GODINE
Marihuana (u gramima)	8.523,33	2832,8
Marihuana (paketići)	209 (oko 1.537 grama)	234
Marihuana (JOINT–cigarete, kom.)	26	3
Heroin (paketići)	59 (oko 16,5 grama)	50
Heroin (u gramima)	---	750
Cannabis sativa (stabljike)	4	1
Cannabis sativa (sjeme)	1	3
Kokain (paketići)	10 (oko 14 grama)	1
Kokain (u gramima)	15	40
Amfetamin (u gramima)	1.642	1838,2
Amfetamin (paketići)	96 (oko 135,5 grama)	55
Suboxon (tablete)	13	49
Metadon	1 tableta i bočica solucije	8 tableta
Ecstasy - tablete	793,5	635
Ecstasy (gramima)	2,2	---
NN (tablete)	---	52
LSD markice (kom.)	37	---
Pribor sa ostacima droge	23	23

S ciljem pronalaženja narkotičkih sredstava ispitano je i saslušano 167 lica (17 više), izvršen pretres 194 lica (104 više), 60 stambenih objekata (25 više) i većeg broja automobila po usmenim naredbama Opštinskog suda u Sarajevu.

Povećanje registrovanih krivičnih djela u ovoj oblasti, jeste rezultat pojačanih i planski provedenih aktivnosti Uprave policije koje su se ogledale u sprječavanju svih oblika zloupotreba narkotika tako da je u ovom periodu sprovedeno i niz efikasnih akcija na presijecanju "lanaca" trgovine opojnim drogama, što je rezultiralo zaplijenom većih količina droga i to opojne droge „Marihuane“ - preko 10 kg „Amfetamin-a“ - preko 1,7 kg, 793 komada Ecstasy tableta, itd.

Iz oblasti krivičnih djela protiv „privrede“ registrovana su tri krivična djela (15 manje) i to: prijevarena u privrednom poslovanju - dva i pranje novca - jedno djelo za čije je izvršenje prijavljeno pet lica.

Takođe, od strane službenika Odjeljena za privredni kriminal tokom prvih devet mjeseci 2017. godine, zadokumentovana su i krivična djela koja su u vezi sa „privrednim kriminalom“, a svrstana su u druge glave KZFBiH-a i KZ BiH-a i to:

- pronevjera u službi, nesavjestan rad u službi, zloupotreba položaja ili ovlašćenja, krivotvorenje novca i prijevara - po dva djela,
- organizirani kriminal, udruživanje radi vršenja krivičnih djela, skidanje ili povreda službenog pečata ili znaka, primanje dara i drugih oblika koristi, davanje dara i drugih oblika koristi, sklapanje štetnog ugovora, porezna utaja, itd. - po jedno djelo,

a koja su prijavljena u prvih devet mjeseci 2017.godine i čijim je izvršenjem nastupila materijalna šteta za pravna lica u iznosu od 16.023.605,43 KM i za fizička lica u iznosu 700 KM i 816 Eura, što znači da **ukupna materijalna šteta prouzrokovana činjenjem ovih djela iznosi 16.024.305,43 KM i 816 Eura** (što je za 15.149.644,60 KM i 816 Eura više u odnosu na uporedni period.)

KRIVIČNA DJELA PROTIV IMOVINE

U oblasti krivičnih djela protiv imovine registrovano je 1.941-no djelo što je za 435 ili 18,3% manje u odnosu na uporedni period.

Najbrojnija djela iz ove oblasti su: teške krađe – 1.087 (311 manje), krađe – 291 (27 manje), razbojništva – 294 (86 manje), oštećenje tuđe stvari – 108 (11 više), prijevara – 35 (tri manje), teška krađa u pokušaju – 25 (šest manje), utaja – 26 (deset manje), prikriivanje – 19 (dva manje), itd.

Zbog izvršenja navedenih djela prijavljeno je 507 lica od kojih je 388 povratnika u činjenju krivičnih djela (ili 76,5%), a 200 je lišeno slobode.

Za ukupno 991-no djelo ili 51,1% identifikovani su osumnjičeni izvršioci, što je u odnosu na isti period prethodne godine, povećanje za 1,8%.

Objekti napada pri vršenju krivičnih djela protiv imovine najčešće su bila motorna vozila (otuđenja motornih vozila i “provale” u ista) - 482 puta (147 manje), stambeni objekti – 379 (85 manje), prodavnice i drugi poslovni prostori - 166 (81 manje), na ulici - 39 (osam manje), itd., pri čemu su otuđivana motorna vozila, novac, nakit, tehnička roba, prehrambeni proizvodi, cigarete, građevinski materijal, alati, itd.

U prvih devet mjeseci ove godine na području Kantona Sarajevo izvršeno je 340 krivičnih djela teških krađa motornih vozila, od čega je 78 ili 22,9% vraćeno (od strane policije MUP Kantona Sarajevo vraćeno je 27 vozila, MUP RS-a – osam, drugih MUP-ova – 11, za novac su vraćena - dva i 30 vozila vlasnici su sami pronašli).

U odnosu na uporedni period broj otuđenih vozila znatno je znatno smanjen i to za 121 ili 26,2%.

Zbog postojanja osnova sumnje da su učestvovali u izvršenju otuđenja motornih vozila na području Kantona Sarajevo, nadležnom tužilaštvu podneseni su službeni izvještaji protiv 38 lica (šest više) od kojih su 34 povratnika (ili 89,5%).

Na području Kantona Sarajevo u periodu januar – septembar ove godine registrovana su 294 djela razbojništva što je za 86 djela ili 22,6% manje u odnosu na isti period prethodne godine.

Razbojništva su počinjena u prodavnicama i drugim poslovnim prostorima - 133 puta (35 manje), u sportskim kladionicama – 49 (četiri manje), na ulici – 65 (38 manje), apotekama - 23 (tri više), benzinskim pumpama - sedam (devet manje), itd.

Navedena djela izvršena su prijetnjom upotrebe vatrenog oružja – 115 puta (35 manje), prijetnjom i upotrebom noža ili drugog oštrog predmeta (komad stakla, šrafciğer i sl.) – 100 (45 manje) i upotrebom fizičke snage – 79 puta (šest manje).

Ukupno je rasvijetljeno 136 ovih djela ili 46,3% što je za 0,5% veća rasvijetljenost ovih djela u odnosu na isti period 2016. godine, a zbog postojanja osnova sumnje da su počinili ova djela prijavljena su 84 lica od kojih je 77 povratnika ili 91,7%.

Broj teških krađa na naročito opasan ili naročito drzak način u periodu januar-septembar 2017. godine u odnosu na uporedni period smanjen je za 35 ili 32,1%.

Naime, evidentirana su 74 ova djela u kojima su izvršioc, upotrebom fizičke snage – 48 puta, te verbalnom prijetnjom u 26 slučajaja, otimali mobitele, nakit i novac.

Za izvršenje ovih oblika teških krađa, prijavljena su 24 lica, od kojih je 20 povratnika (ili 83,3%), a 14 je lišeno slobode. Ukupno su rasvijetljena 43 ova djela ili 58,1% što je za 6,1% manje.

KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirana su 54 djela (20 manje) i to: izazivanje opće opasnosti – 45 djela, nesavjesno čuvanje pasa i drugih opasnih životinja - sedam, izazivanje opće opasnosti u pokušaju i izazivanje opće opasnosti u pomaganju - po jedno djelo.

Krivična djela izazivanja opće opasnosti (45 djela) izvršena su na otvorenom prostoru - 35 puta, u stambenim - šest, u ugostiteljskim objekima - tri puta i jedno u pomoćnom objektu - šupi, pri čemu je u pet slučajaja aktivirana nepoznata eksplozivna naprava, 18 puta pucano iz vatrenog oružja i u 22 slučajaja je otvorenim plamenom izazvan požar. Posljedica izvršenja navedenih djela je ranjavanje tri lica, nastala materijalna šteta i uznemirenost građana.

Zbog postojanja osnova sumnje da su počinili djela iz ove oblasti nadležnom tužilaštvu podneseni su službeni izvještaji protiv 33 lica, od čega je 18 povratnika ili 54,5%, a 17 je lišeno slobode.

KRIVIČNA DJELA PROTIV PRAVOSUĐA

Evidentirano je 17 djela iz ove oblasti (11 manje) i to: pomoć učinitelju poslije učinjenog krivičnog djela - pet djela, udruživanje radi činjenja krivičnih djela - tri, omogućavanje bijega osobi kojoj je oduzeta sloboda i pripremanje krivičnog djela - po dva, organizirani kriminal, davanje lažnog iskaza, sprječavanje dokazivanja, bijeg osobe kojoj je oduzeta sloboda i sprečavanje dokazivanja u pokušaju - po jedno djelo. Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 61-nog lica od koji su 22 povratnika, a 34 su lišena slobode.

KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 135 krivičnih djela (51 manje) i to: nasilničko ponašanje - 64 djela, nedozvoljeno držanje oružja ili eksplozivnih materija – 24, krivotvorenje isprave – 15, napad na

službenu osobu u vršenju poslova sigurnosti – 18, sprečavanje službene osobe u vršenju službene radnje i ovjeravanje neistinitog sadržaja – po četiri, lažno predstavljanje - po dva, itd. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 170 lica, 85 su povratnici, a 64 su lišena slobode.

KRIVIČNA DJELA POČINJENA OD STRANE MALOLJETNIH LICA

U periodu januar - septembar 2017. godine **prijavljeno je 40 maloljetnika** zbog postojanja osnova sumnje da su **izvršili 50 krivičnih djela**. U poređenju sa istim periodom 2016. godine, **broj krivičnih djela** za čije izvršenje su prijavljena maloljetna lica **smanjen je za 74 ili 59,7%, a broj prijavljenih maloljetnih učinilaca** ovih djela **smanjen je za 21 ili 34,4%.**

Pregled broja maloljetnih izvršilaca krivičnih djela za period januar-septembar 2017. godine, prema starosnoj strukturi

<i>Starosna dob maloljetnika</i>	<i>do 14 god.</i>	<i>od 14 do 16 god.</i>	<i>od 16 do 18 god.</i>	<i>ukupno</i>
Broj maloljetnih izvršilaca	2	23	15	40

Među maloljetnim učiniocima krivičnih djela, najveći broj je u dobi do 16 godina (25), dok je povratnika u izvršenju krivičnih djela bilo devet (ili 22,5%).

U strukturi krivičnih djela koja su počinili maloljetnici najbrojnija su krivična djela protiv imovine – 30 (ili 60%), pri čemu **prevladavaju razbojništva (14 ili 46,7%),** teške krađe na naročito drzak i opasan način (pet ili 16,7%) i teške krađe (tri ili 10%). U odnosu na isti period prošle godine, u proteklih devet mjeseci znatno je smanjen broj krivičnih djela **razbojništva** (za 31 ili 68,9%) i **teških krađa** (za 19 ili 86,4%) za čije izvršenje su prijavljena maloljetna lica.

Pregled registrovanih krivičnih djela izvršenih od strane maloljetnih lica za period januar - septembar 2017/2016. godine

Naziv krivičnog djela	Jan.-Sept. 2017.	Jan.-Sept. 2016.	+ - %
Ubistvo u pokušaju	0	1	-1
Teška tjelesna ozljeda	0	6	-6
Lahka tjelesna ozljeda	5	5	isto
Protupravno lišenje slobode	1	0	+1
Ugrožavanje sigurnosti	4	1	+3 ili 300%
Nasilje u porodici	0	1	-1
Posjedovanje i omogućavanje uživanja opojnih droga	4	0	+4
Krađa	2	6	-4 ili 66,7%
Teška krađa	3	22	-19 ili 86,4%
Teška krađa-pokušaj	2	7	-5 ili 71,4%
Teška krađa na naroč. opasan ili naročito drzak način	5	11	-6 ili 54,5%
Razbojnička krađa	0	1	-1
Razbojništvo	14	45	-31 ili 68,9%
Razbojništvo- pokušaj	2	2	isto
Utaja	1	0	+1
Oštećenje tuđe stvari	0	3	-3
Iznuda	1	3	-2 ili 66,7%
Izazivanje opće opasnosti	0	1	-1
Teška krivična djela protiv sigurnosti javnog prometa	1	1	isto
Nasilničko ponašanje	4	7	-3 ili 42,8%
ZONDINOM (čl. 52)	1	1	isto
ukupno	50	124	-74 ili 59,7%

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO - EKSPLOZIVNIH SREDSTAVA

U periodu januar-septembar 2017. godine na području Kantona Sarajevo registrovano je devet slučajeva aktiviranja minsko-eksplozivnih sredstava (pet ili 35,7% manje u odnosu na isti period 2016. godine). Posljedice aktiviranja minsko-eksplozivnih sredstava su teške tjelesne povrede jednog lica i materijalna šteta. Za sada su u dva slučaja identifikovani učinioci i protiv njih su preduzete zakonske mjere.

U proteklih devet mjeseci registrovano je pet anonimnih dojava o postavljenoj eksplozivnoj napravi (jedna u uporednom periodu), za koje je nakon KDZ pregleda utvrđeno da su bile lažne. Identifikovan je izvršilac koji je uputio lažnu dojavu, a koja se odnosila na Kantonalni sud, Općinski sud i Vladu KS (M.S. -1981.).

POŽARI

U periodu januar-septembar 2017. godine, na području Kantona Sarajevo registrovano je 99 požara (osam više) u kojima je pet lica poginulo, dok su tri lica povrijeđena. Prema statističkim pokazateljima, 36 požara je izazvano namjerno, 13 nehatom, 13 zbog tehničkih nedostataka, dok uzroci 37 požara spadaju u kategoriju ostalih.

SAMOUBISTVA

U prvih devet mjeseci 2017. godine na području Kantona Sarajevo registrovana su 34 samoubistva (devet više), koja su izvršena na sljedeće načine: vješanjem – 19 puta, upotrebom vatrenog oružja – šest puta, oštrim predmetom – četiri puta, skakanjem sa visine – četiri puta i strujnim udarom – jednom. Prema spolu, izvršioци su: 28 muškaraca i šest žena.

JAVNI RED I MIR

Policijski službenici su u periodu januar-septembar 2017. godine, zbog raznih oblika narušavanja javnog reda i mira uručili i podnijeli ukupno **3.246** prekršajnih **naloga i zahtjeva** za pokretanje prekršajnog postupka (naloga – 2.449, zahtjeva – 797), što u odnosu na isti period 2016. godine predstavlja **smanjenje za 1.777 ili 35,4%**. Prekršajne sankcije preduzete su **protiv 3.497 lica (1.735 ili 33,2% manje)**.

Od ukupnog broja prekršajnih sankcija, 2.811 ili 86,6% odnosi se na prekršaje utvrđene Zakonom o prekršajima protiv javnog reda i mira, a 435 ili 13,4% na prekršaje utvrđene Odlukom općinskih vijeća o javnom redu i miru.

Najveći broj prekršajnih sankcija preduzeto je zbog prekršaja učinjenih **prosjaćenjem** (1.366 ili 42,1%).

Na povratnike u izvršenju prekršaja odnosi se 537 prekršajnih sankcija (ili 16,5%), 21 na maloljetna lica i 39 na strane državljane.

S obzirom na starosnu strukturu lica protiv kojih su u proteklih devet mjeseci ove godine preduzete prekršajne sankcije (ukupno 3.497), najveći broj je onih starosne dobi preko 36 godina (1.804), zatim starosti između 26 i 35 godina (1.016) i između 19 i 25 godina (644), dok je maloljetnih učinilaca prekršaja bilo 33 i oni su javni red i mir narušavali uglavnom učestvovanjem u tučama.

Prilikom narušavanja javnog reda i mira u periodu januar-septembar 2017. godine, u slučajevima kada se radilo o prekršajima, jedno lice je teže povrijeđeno (kao i u uporednom periodu), dok su lakše povrijeđena 154 lica (15 ili 10,8% više).

Najveći broj prekršajnih sankcija koje su se odnosile na **prosjačenje** koje su registrovali policijski službenici stanica Stari Grad (565), Centar (403) i Novo Sarajevo (248). Navedeni broj je rezultat pojačanih aktivnosti na suzbijanju ovog oblika narušavanja javnog reda i mira, koje je najizraženije na području ovih općina, posebno u vrijeme turističke sezone, vjerskih i drugih manifestacija.

Prema strukturi prekršaja iz oblasti javnog reda i mira, najbrojnija su **prosjačenja - 1.366** (ili 42,1% od ukupnog broja), zatim **naročito drsko ponašanje – 371** (ili 11,4%), **tuče – 320** (ili 10%), **te odbijanje naređenja i omalovažavanje policijskih službenika – 242** (ili 7,4%). Znatno manje prekršaja učinjeno je svađom, vikom i nepristojnim ponašanjem - 76; uživanjem opojne droge na javnom mjestu – šest, te paljenjem petardi – dva prekršaja. Zbog svih ostalih prekršaja preduzeto je 428 prekršajnih sankcija.

Tabelarni pregled strukture prekršaja iz oblasti javnog reda i mira
za period januar-septembar 2017/2016. godina

STRUKTURA PREKRŠAJA	januar-septembar 2017.	januar-septembar 2016.	+ - %
UKUPNO NALOGA I ZAHTJEVA	3.246	5.023	-1.777 ili 35,4%
UKUPNO LICA	3.497	5.232	-1.735 ili 33,2%
Prekršaji iz Zakona o prekršajima protiv JRiM:	2.811	4.536	-1.725 ili 38%
<i>-Tuče</i>	320	352	-32 ili 9,1%
<i>-Naročito drsko ponašanje</i>	371	400	-29 ili 7,2%
<i>-Odbijanje naređenja i omalov. policijskih služb.</i>	242	378	-136 ili 36%
<i>-Svađa, vika, nepristojno ponašanje</i>	76	98	-22 ili 22,4%
<i>-Uživanje opojne droge na javnom mjestu</i>	6	5	1 ili 20%
<i>-Neovlaštena upotreba oružja</i>	0	1	-1
<i>-Paljenje petardi</i>	2	4	-2 ili 50%
<i>-Prosjačenje</i>	1.366	2.817	-1451 ili 51,5%
<i>-Ostali prekršaji iz Zakona o prekrš. protiv JRiM</i>	428	481	-53 ili 11%
Prekršaji prema Odluci OV o JRiM	435	487	-52 ili 10,7%

U odnosu na isti period 2016. godine, povećan je broj prekršaja koji su učinjeni uživanjem opojne droge na javnom mjestu, dok je u svim ostalim slučajevima smanjen broj prekršaja.

Prema mjestu izvršenja, najveći broj prekršaja učinjen je na **ulici i na drugim otvorenim prostorima – 2.779 (ili 85,6%)**, a znatno manje u ugostiteljskim objektima - 132, na sportskim terenima – 107, u školama – 26, u trgovinskim i zanatskim radnjama - 16, u vozilima javnog saobraćaja - pet i na ostalim mjestima - 181 prekršaj.

Tabelarni pregled broja prekršajnih sankcija prema mjestu izvršenja

U odnosu na isti period 2016. godine, u proteklih devet mjeseci ove godine povećan je broj prekršajnih sankcija zbog prekršaja kojima se narušava javni red i mir na sportskim terenima, u vozilima javnog saobraćaja, u školskim objektima, te na ostalim mjestima, dok je na svim ostalim mjestima došlo do smanjenja tog broja.

Na području Kantona Sarajevo u proteklih devet mjeseci 2017. godine održana su 1.782 javna skupa (110 ili 6,2% više u odnosu na isti period 2016. godine), koji su protekli bezbjedno, u 436 slučajeva izvršeno je KDZ osiguranje.

SAOBRAĆAJ

Tokom perioda januar-septembar 2017. godine, u odnosu na isti period prošle godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom i nastradalim licima, te broj nastradalih lica.

Registrovano je 7.686 saobraćajnih nezgoda (851 ili 10 % manje), 7.114 sa materijalnom štetom (742 ili 9,4 % manje) i 572 sa nastradalim licima (109 ili 16 % manje).

U saobraćajnim nezgodama na području Kantona Sarajevo 774 lica su nastradala (196 ili 20,2 % manje). Jedanaest lica je poginulo (pet ili 31,2 % manje), dok su 763 lica povrijeđena (191 ili 20 % manje), 102 teže i 661 lakše.

Među poginulim licima evidentirano je pet pješaka četiri vozača i dva putnika.

Od ukupno 763 povrijeđena lica, 349 je vozača (84 manje), putnika – 257 (51 manje) i pješaka - 157 (56 manje). Kada je u pitanju stepen povreda, 37 vozača je teže, a 312 lakše povrijeđeno, 23 putnika su teže, a 234 lakše povrijeđena, dok su 42 pješaka teže i 115 lakše povrijeđeno.

U naselju je registrovana 7.101 saobraćajna nezgoda (osam sa poginulim, 507 sa povrijeđenim licima i 6.586 sa materijalnom štetom), van naselja 585 nezgoda (tri sa poginulim, 54 sa povrijeđenim licima i 528 sa materijalnom štetom).

Registrovane su 1.592 saobraćajne nezgode na raskrsnicama u naselju, 159 na raskrsnicama van naselja, 82 na pješačkom prelazu, 24 na nadvožnjaku, jedna na prelazu preko željezničke pruge i 5.828 saobraćajnih nezgoda čije se karakteristike puta ubrajaju u kategoriju ostalih.

Usporedni pokazatelji saobraćajnih nezgoda i posljedica na području Kantona Sarajevo
januar-septembar 2017./2016. godina

	2017.	2016.	+,-,%
UKUPNO SAOBRAĆAJNIH NEZGODA	7.686	8.537	- 851 ili 10 %
Saobraćajne nezgode sa nastradalim licima	572	681	- 109 ili 16 %
Saobraćajne nezgode sa materijalnom štetom	7.114	7.856	- 742 ili 9,4 %
POGINULO LICA	11	16	- 5 ili 31,2 %
- vozači	4	9	- 5 ili 55,5 %
- putnici	2	2	isto
- pješaci	5	5	isto
POVRIJEĐENO LICA	763	954	-191 ili 20 %
- vozači	349	433	- 84 ili 19,4 %
- putnici	257	308	- 51 ili 16,5 %
- pješaci	157	213	- 56 ili 26,3 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 159 lica, od 25 do 30 godina – 117 lica, od 51 do 65 godina – 102 lica, od 41 do 50 godina – 94 lica, itd.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 6.473 (osam lica poginulo, 479 lica povrijeđeno), neprilagođena brzina- 1.118 (tri lica poginula, 264 lica povrijeđeno), uticaj alkohola –

79 (20 lica povrijeđeno), klizav put – 15 (bez nastradalih lica) i odron na putu – jedna saobraćajna nezgoda (bez nastradalih lica).

Evidentirano je 329 saobraćajnih nezgoda (35 manje) u kojima su učestvovali inostrani vozači i 18 saobraćajnih nezgoda (16 manje), u kojima su učestvovala vozila međunarodnih organizacija (bez nastradalih lica).

AKTIVNOSTI SLUŽBENIKA POLICIJE IZ OBLASTI SIGURNOSTI SAOBRAĆAJA

U sklopu redovnih aktivnosti, službenici policije su kontrolisali ukupno 188.563 vozila (16.289 manje).

Zbog tehničke neispravnosti, iz saobraćaja je isključeno 266 vozila (351 manje), 1.528 vozača je zatečeno da upravljaju vozilom pod dejstvom alkohola (1.821 manje), 3.851 bez korištenja sigurnosnog pojasa (1.630 manje), 675 bez položenog vozačkog ispita (1.932 manje), a 1.082 vozača su učestvovala u saobraćaju bez važeće registracije (1.183 manje).

Zbog kršenja propisa iz oblasti sigurnosti saobraćaja uručeno je 137.577 prekršajnih naloga vozačima (35.050 manje), podneseno 380 zahtjeva za pokretanje prekršajnog postupka (29 manje) i registrovano 55 krivičnih djela zbog ugrožavanja sigurnosti javnog prometa (16 manje).

MIRUJUĆI SAOBRAĆAJ I KONTROLA PJEŠAKA

Tokom perioda januar – septembar 2017. godine, pripadnici Uprave policije su uručili 60.707 prekršajnih naloga vozačima koji nisu poštivali saobraćajne propise prilikom parkiranja (12.937 manje u odnosu na isti period prošle godine), upozorili 3.752 vozača (288 manje), a specijalnim vozilom „pauk“ su premjestili 1.825 vozila (68 manje). Zahtjeva za pokretanje prekršajnog postupka nije bilo.

Takođe, pješacima koji su kršili propise uručeno je 2.598 prekršajnih naloga (1.209 manje), a upozoreno je 1.289 pješaka (294 manje).

ZAKONITOST U RADU

Tokom perioda januar-septembar 2017. godine, registrovano je 18 napada (pet manje) na policijske službenike MUP-a Kantona Sarajevo. U napadima su učestvovala 23 punoljetna lica protiv koji su podneseni službeni izvještaji.

Službenici policije su tokom izvještajnog perioda 29 puta opravdano upotrijebili silu (15 manje) i to:

- ❖ fizičku snagu i sredstva za vezivanje – 26 puta
- ❖ vatreno oružje- jednom
-
- ❖ fizičku snagu – jednom
- ❖ službenu palicu – jednom
-

Tokom perioda januar-septembar 2017. godine, vođeno je ukupno 105 unutrašnjih istraga, od kojih je 15 iz ranijeg perioda.

Okončano je 70 unutrašnjih istraga, među kojima je 25 osnovanih, u 24 slučaja nije bilo dovoljno dokaza, 17 istraga je neosnovanih, u dva slučaja istraga je obustavljena, dok je u dva slučaja stranka

odustala od žalbe.

U toku je 36 unutrašnjih istraga koje se vode po raznim osnovama.

Takođe, odgovoreno je i na zahtjev Ombdusmena.

Registrovano je sedam žalbi koje se odnose na postojanje osnova sumnje da je počinjeno krivično djelo navedeno u Strategiji borbe protiv korupcije u MUP-u Kantona Sarajevo.

AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U prvih devet mjeseci 2017. godine evidentirano je 60 djela koja su regulisana Zakonom o nabavljanju, držanju i nošenju oružja i municije (dva više), počinjenih od strane 65 izvršilaca, od kojih su 22 lišena slobode.

Od strane Policijskih uprava fizičkim licima izdato je 730 odobrenja za nabavku vatrenog oružja (68 manje) i 900 oružnih listova (67 manje).

Takođe, u sklopu aktivnosti na oduzimanju nelegalno posjedovanog oružja i drugih predmeta oduzeta su: 64 pištolja, 11 pušaka, 154 „noža, mača, sablji i sl.“, dvije ručne bombe, 11 boksera, 1.100 kom. municije različitog kalibra, 0,25 kg eksploziva, itd.

6. RAD POLICIJE U ZAJEDNICI

U okviru Rada policije u zajednici tokom perioda januar-septembar 2017. godine obavljane su brojne aktivnosti sa ciljem što efikasnije povezanosti i partnerstva policije i zajednice. S tim u vezi, održavani su redovni sastanci i kontakti sa nadležnim strukturama, kao i sa policijskim službenicima zaduženim za ovu oblast, sagledavano stanje u oblasti rada policije u zajednici u funkciji redovnog policijskog rada, ostvarivan neposredan uvid u stanje i rezultate, te sagledavane mogućnosti i pravci daljeg rada u ovoj oblasti.